

Irmingip Imartaani ikerinnaasiortunik suluppaagarniarnermi usinik nuussisarnerup inerteqqutaanera pillugu Namminersorlutik Oqartussat nalunaarutaat

Aalisarnek pillugu Inatsisartut inatsisaanni nr. 18-imi 31. oktober 1996-imeersumi, kingullerpaamik Inatsisartut inatsisaatigut nr. 17, 3. december 2009-imi allanngortinneqarsimasumi, § 12, imm. 3, § 23, imm. 1, § 26 aamma § 33 naapertorlugit, aalajangersarneqarput:

Kapitali 1

Aalisarnissamut inerteqqut

§ 1. Uunga nalunaarummut ilanngussaq 1-imi nunap assingani sumiiffinni kalaallit aalisariutaat aalisagqusaanngillat.

Kapitali 2

Irmingip Imartaani suluppaakkanik ikerinnaasiortunik aalisarnermi usinik nuussisarnek aamma angallatinut pilersuisarneq ikiorsiissuteqartarnerlu inerteqqutaapput

§ 2. Suluppaakkanik ikerinnaasiortunik (*Sebastes mentella*) Irmingip Imartaaneersunik kalaallillu oqartussaaffianneersunik killeqartinneqartunit usinik nuussisarnek inerteqqutaavoq. Kalaallit aalisariutaat aamma imartani Kalaallit Nunaata oqartussaaffigisaasa avataaniittuni ikerinnaasiortunik suluppaagarniarnermi usinik taamatut nuussinikkut pissarsinissaat inerteqqutaavoq.

Imm. 2. Kalaallit aalisariutaasa aalisariutitut ikerinnaasiortunik suluppaakkanik tassanngaanneersunik pisaqarsimasunut pilersuinissaat ikiorsiissuteqarnissaallu inerteqqutaavoq.

Kapitali 3

Suluppaakkanik ikerinnaasiortunik tulaassinissamut inerteqquteqarneq

§ 3. Irmingip Imartaaneersunik suluppaakkanik ikerinnaasiortunit taassumalu killeqarfianit pisanik kalaallit umiarsualiviinut tulaassineq inerteqqutaavoq.

Imm. 2. Aalisariutit Irmingip Imartaaneersunik suluppaakkanik ikerinnaasiortunit taassumalu killeqarfianit pisanik usillit Kalaallit Nunaata umiarsualiviinik atueqqusaanngillat, pilersorneqagqusaanngillat ikiorserneqagqusaanatillu.

Kapitali 4

Pineqaatissiissutit

§ 4. §§ 1-3, unioqqutinneqarneri Kalaallit Nunaanni Pinerluttulerinermut inatsimmi maleruagassat naapertorlugit akiliisussanngortitsinermik arsaarinninnermillu kinguneqarsinnaapput.

Imm. 2. Ingerlatseqatigiiffiit il.il. (inatsisitigut akisussaaaffimmik tigummiartut) Pinerluttulerinermi inatsimmi kapitali 5-imi malittarisassat malillugit pinerluuteqarsimasutut akisussaatinneqarsinnaapput.

Imm. 3. Akiliisitsissutit Nunatta Karsianut tutsinneqassapput.

Kapitali 5

Atortuulersitsineq

§ 5. Nalunaarut manna nalunaaruteqarnikkut atuutsilersinneqarpoq.

Namminersorlutik Oqartussat, ulloq 25. juuni 2024

Kim Kielsen (atsior.)

Aalisarnermut Piniarnermullu Naalakkersuisoq

/ Emanuel Rosing (atsior.)

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut

